群

經

義

證

堯典第 一經義證 横亭今在睢陽 戒今堯典文作 舜與合於堯典內案三國志陸抗傳引端潛庸同唐書攸 以是為虞書 非也水經傳 卷 年傳樂 虞書 間伯詩按說文引五品不遜亦日唐書其時 縣西南世謂之光城葢光橫聲相近習傳 大心禦華向于橫注梁國睢陽縣西南 静言庸遠是抗亦以此名唐書又為 也紫漢書引作橫被四表据春秋昭 偃師武億學男穆 )隅注 横猶

礼 方命圮族傳言蘇性狠戾好此方名命而行事輒毀敗善類 子朱啓明傳啓開也案史記五帝本紀作開明以 自貽其疎也 德澤光被四表 也是光義與廣通詩敬之學有稱熙于光 **号上受符命逃帝制号廣被之恩流荒外号樊毅復華下** 案釋文引馬云方放也徐云鄭王音放證之史記五帝 明傳光廣也釋名光亦言廣也所照廣遠也 **令** 唐扶頌追惟帝堯廣被之恩靈臺碑爰生聖堯名葢 易之安國與太史公同時無庸舍此不諱葢偽傳失檢 國志魏文帝紀注廣被四表五經通義舞四夷之樂明 租田口算碑廣被四表沈子琚縣竹江堰碑廣被四表 避景帝

400 否德忝帝位傳否 教命毀敗善類不可用也夏本紀堯日縣為人負命毀族 記讀也五帝本 族 不可漢書傅喜傳放命比族應邵曰放棄教令毀其族 好 朱博傅亦云今晏放命圯族吳越春秋無余外傳亦作 同史記讀爲正 命毀族是太史公所見為真古文兩漢相傳皆以方為放 引作負命毀族正義云貧違也族類也鯀性很戾違 方命 近 虐民 也 與史記作頁義同偽孔傳因文釋之又 故皆 行事其說迁鑿不可訓野各叢書論尚 不疏否古今不字案釋文否叉音鄙從 竟為之詞 **杨花记** 鄙德乔帝位釋名否鄙也義訓皆

大禹謨髦期佬于 復 洪 遭 州之迹水勢汨 幽州并州分青州為營州 案十二州之分漢書 一个一种傅言十有二 洪水之災天 洪水襄 九州係在帝舜三十三年是其徵也 初建十有一 水滔滔天下 外此今孔氏所傳本作耄更依交解 沒川濱已復異位堯乃權宜置之汲郡 、陵天下分絕爲十二 州係在帝堯八十七年其後水土 沉積九州關塞四濱壅閉故于是時 下分絕為十 州禹治水之 二州吳越春秋帝堯之時遭 一州谷永傳 後舜分冀州為 上書云堯 地里志義 旣 毛 因 聲.

益稷謨懋遷有無化居業孔傳舊讀以居字絕余證之漢書 岸据史記以乃位屬下讀詳經讀及異惟乃粒仍從偽 相符 禹本紀合蓋漢人授讀如是偽孔傳易之非也 常業孔氏以那字屬何攷此當從無教逸欲為讀有那連 食貨志引書云林遷 咎繇戒舜曰無敖佚欲與書作教字雖小有異而屬句亦 蕃傳皋陶戒舜無敎逸游可為舉證若漢書王嘉傳臣 下兢兢業業為讀所謂有國者不可以不慎也後漢書 萬那作乂傳米食日 無教逸欲有那傳不為逸豫貪欲之教是有國者 有無 案孔氏以蒸民乃粒為句李于 又叙贊亦云茂遷有無與史記 陳

甘誓予則孥戮汝傳古之用刑父子兄弟罪不相及今云孥 禹貢浮于江沱潛漢釋文本或作潛于漢非疏本或潛下有 並 于誤案史記夏本紀婚作涔下有于字陸孔所指或本當 于父母墨丽于字以號泣貫下此疊兩于字以浮貫下義 若屬讀浮于江沱潛為句于漢更為句孟子號泣于旻天 沿諸此攷太史公從孔安國問故此似古文尚書有此字 字同用傳所訓非 傳余證以史記乃定萬國爲治粒易作定則古文爲立字 也詩思文立我蒸民箋立當作粒又別本立一作粒是一 一相同舊作潛于漢義不可曉乃大誤耳 勿犯案漢書王莽傳

書序太康失邦昆弟五人須于洛汭釋文五子名字書傳 弟之一 寫 觀來歸武觀旣為王季子是于仲康序次屬弟亦太康 不歸處而不處進而不進退而不退身斬妻子鬻注鬻 弟五人號五戰水經注亦引此文 岡仲康茲其一 也葢亦鬻之為人奴此殆占軍令遺制傳依文釋之非 奴外傳吳語王乃命有司大狗于軍日謂二三子歸 謂戮之以爲奴也 于西河十五年武觀以西河叛彭伯壽帥師 五觀啓子太康昆弟也漢書古今人表太康啓子昆 一矣又紀年注武觀即 也案竹書紀年帝啓十一年放王季子武 周 禮 厲注引此亦作奴是古文 五觀也据外傳楚語啓有 一觀葢其名也又引 四 征西河

仲 惟彼陶唐正義引韋昭云陶唐皆國名猶湯稱殷商也案書 虺 因學紀聞原注以商老彭 及仲隗當攷 案漢書 漢書諸文以五觀爲五人然皆足以補陸氏五子名字無 索隱引皇甫謐云號五觀是紀年稱武觀為 傳皆言堯以唐侯升為天子不言封于陶唐陶唐二字或 聞之偏說 古文尚書以爲觀地矣葢太康弟五君之號日丑 共為地名未必如昭言也案陶唐實為二 之詳左氏傳義證正義疑章氏非也 仲虺所列之次與老彭比 日子田子田子本の 也 接是仲隗即仲虺大戴禮 地諸傳記悉言 古今 外傳及

書序將治亳殷東哲据漢 徳失之 呂氏所引觀怪之意偽書因襲此文不得其解 靈琦瑋謫說及古聖 庚也な史記於本紀帝盤庚之 見圖畫 之廟可以觀 觀魅物之怪異也攻高氏此註實無經據楚詞 云屈原見楚有先王之廟及公卿祠堂 西有殷正義云若洹水南有殷墟或當餘王居之非盤 因書其壁呵而問之 世之 1 型 型 线 登 書 一 **注廟者鬼神之所栖五世久遠故于其所** 廟 可 賢怪物行事 觀德案呂氏春秋引商書 項 中外館圖珍琦畫漢裝教修華掛廟 羽傳洹水南殷墟 一時殷已 卷 都河北楊雄兖州 能倦休息 图畫天地 **.** 天問王

盤庚出矢言傳矢言出正直之言案矢古暫字處翻云然見 牧誓商王受無逸 庚之政据是則盤庚宅殷實積惠政乃足閱世系人之思 遷于北蒙日殷呂氏春秋愼大覽武王命周公旦進殷 體亦相近傳訓作正直之言昧其義矣 孔氏以殷墟非盤庚所居未詳攻也 易釋文哀公十 老而問殷之 人而有二 牧野是宅初等汲 一亡又問衆之所說民之所欲對日欲復盤 名顧亭林云辛之名受以至尚書古文疏 一般王受案四書釋地以史記紂旣名辛 一年左氏傳引此篇云盤庚之誥誥與訾 古文盤庚十四年自在 **閻氏自與釋地** 則

書序作分器傳言諸侯尊卑各有分也 案定公四年左氏傳 分魯公以大路大旗夏后氏之璜封父之繁弱又有官司 徴信矣 受德者呼之有單複爾其說與懸合而受不爲紂名益有 受德是紂字也旣受之與德共為紂字而經或言受或言 篇惟單言受而此云受德者則德本配受共為一人故知 **葵器分康叔以大路少帛精伐旃旌大吕分唐叔以大路** 其在受德傳受德紂字釋文亦云受德紂字益受德稱其 名之解相違攻呂氏春秋當務篇其次曰受德受德乃 也穆天子傳尹逸策曰殷末孫受德注紂字受德也立政 |兩字之字書所言受者稱其一字之字又書正義泰誓|| · 建一般 图書一卷

大誥弗弔天降割于我家不少延傳言周道不至故天下 民獻有十夫傳四國人賢者有十夫案書大傳作民儀有十 害于我家不少衆此當讀如多士弗甲旻天以天字句經 据 商成王定之與此序武王勝殷邦諸侯時事同宜資以為 密須之鼓關鞏姑洗即此分器所指傳旣前云昔武王 克 孔傳云天下凶害于家是以天屬下讀非也 立斗獻亦音為羲至莽依周書作大語有云民獻儀九萬 夫儀獻葢音相近禮器儀尊在西注儀周禮作獻司尊奏 兩獻鄭云獻讀爲犧禮稱含文嘉義者獻也漢書王莽傳 又兼二文用之莽泥古之失也

酒語子其殺傳擇罪重者而殺之案殺即發字與孟子殺 康誥傅康圻內國名閣伯詩案孔傳以蔡圻內國名自非以 語乃復入錫周公日拜手稽首旅王若公案傳以入字隔 **攷此入錫當連文史記夏本紀九江入賜大龜卽與此** 斷為註是入為句絕故云召公以幣入稱成王命賜周 殺之時同于殺並同 苗于三危皆爲破交詳孟子義證傳曲解非也下交勿庸 康誥之康爲圻內國名却是遠勝鄭康成解作諡號者案 康爲食邑較馬王以國名解者尤有據 之文愚更舉一 此偽孔傳實襲馬融王肅尚書傳云康國名在千里圻 不 學 能 後 證 書 一 老 證白虎通云管乐霍成康南皆采也是以


多士弗弔旻天大降喪於殷正義曰此經先言弗弔謂殷道 是古入字為內字召公欲顯問公因錫命而納之是其義 不至也蔡氏集傳弗弔未詳意其為漢閔之辭當時方言 也傳屬讀旣誤而疏遂謂出取幣復入以待王命竟真為 出入之訓是同于瞽說已 古文疏證引此作旻天大降喪于殷連旻天屬下體析未 横海將軍呂君碑不弔旻天降兹災咎皆足舉例若尚書 傳弔至也箋云至猶善也不善乎昊天愬之也又隸續魏 大降喪於殷另為句節南山之詩云不弔旻天正與此同 爾是與正義同以弗弔作句絕攻此當以弗弔旻天爲句 審也

無逸肆祖甲之享國三十有三年傳祖甲湯孫太甲疏引鄭 語說殷事云 宗齊名舉之以戒無逸武丁賢王祖庚復賢以武丁之明 襲王肅也惟康成之訓以爲祖甲與馬季長傳同葢師承 公為母逸之戒舉殷三宗以戒成王傳所据當由此非盡 妄造此語是負武丁而誣祖甲也案偽孔傳多襲用漢書 所授必古文舊說如是武丁有子孝已不得于親呂賢必 **攻韋元成傳殷太甲為太宗太戊曰中宗武丁曰高宗周** 無容廢長立少祖庚之賢誰所傳說武丁廢子事出何書 祖甲以此為不義逃于人間故云舊為小人案殷本紀國 元云祖甲武丁子帝甲也有兄祖庚賢武丁欲廢兄立弟 云帝甲是淫亂之主起亡殷之原寧當與一 秦神義龍曹 略

**爽弗甲天降喪于殷傳言殷道不至故天下喪亡于殷**案 商有亂政而作湯刑紀年祖甲二十四年重作湯刑是祖 甲亂之七代而殞不當與一宗齊名攷左氏傳昭公六年 子事出何書疏又案殷本紀帝甲淫亂殷道復衰國語帝 庚之兄也祖甲之逃以此為不義明證致確何言武丁廢 五年王子孝已卒于野鄭云武丁欲廢兄立弟葢孝已祖 明君吉甫賢臣及有纖介放逐孝子汲郡古文武丁二十 己篇孝已疑注孝已殷王高宗子也後漢書郅惲傅高宗 宗疏意欲扶孔抑鄭其說橫暴殊爲失之 甲賢君晚節 此當以弗弔天為句降喪于殷為讀猶云天弗弔也 一事之失焉能沒其大行斥之不復齊于一

康王之誥資稱奉圭兼幣傳資諸侯也案古交資通作擯 顧命正義引漢書律歷志云成王卽位三 刑苗民弗用靈正義靈善也不用善化民而制以重 贄而進有司質相之即此義 奉主兼幣葢擯者之辤故云稱說文贊下注臣鉉等日 誤指孔氏以甲子為十六日失之 矣案律歷志以十五日甲子為讀哉生魄乃十六日為 十五日甲子哉生魄卽引此顧命之文以為成王三 丑偽孔傳止釋始生魄為月十六日正與劉歆說同正 而崩此是劉歆說也孔以甲子為十六日則不得與歆 です。 これをこれをおくている 記緇次與注引作苗民弗用命靈與命二字不同說文 THE THE SECTION AND ADDRESS. |十年三月庚戌朔 九 同

**硫漢除肉刑除墨劓剕耳宫刑猶在近代反逆緣坐男子十** 賈晢臣妾逋逃傳役人賤者男日臣女日妾正義云古人或 五以下不應死者皆宮之大隋開皇之初始除男子宮刑 康成氏引作命是命令為一字令即零省文 為令翼敦銘需終需始據是苗民弗用需古尚書必作 古霝字與命同用微疑鼎派令霝終上令字為命下霝字 臨雨寒也露即作雾漢吳公碑神零有知義亦作需零又 刑出美人重絕人之世也是文帝除宮刑之徵疏所據非 婦人猶閉于宮案漢書景帝紀元年詔言孝文皇帝除宮 以婦女從軍故云臣妾逋逃也案此臆說也僖二 Contrador Section 一 十 二 年



黍離傳尊而君之 周南言秣其馬笺云願秣其馬致禮像釋文性腥日飵正義 **臺經義證** 泥以牲腥日食孔氏又證以昏禮不見用牲皆未喻鄭旨 庾書說也王氏旣證之說文又云盡以疑之不知此為書 **餼者魚猶稟也給也鄭意葢以秣馬亦禮餼之** 則稱旻天自上降鑒則稱上天疏謂此當有成文不知出 何書衆困學紀聞說文引與書曰仁覆旻下則稱旻天葢 云昏禮不見用牲叉鄭以時事言之或亦宜有也案聘禮 卷 則稱皇天元气廣大則稱吳天仁覆閔下 主 偃師武億學 男穆淳編 The Party of the Control of the Cont 而陸氏

鄭在城闕兮傳乘城而見闕疏引釋宮云觀謂之闕孫炎 闕是 舊交首人已言之大宗伯疏引尚書設云尊而泥之則上 皇天元气廣大則稱吳天仁覆慜下則稱旻天自上鑒下 宮 引 此全為書說也書說即緯侯之書鄭志張逸問禮注曰書 則稱上天據遠視之蒼蒼然則稱蒼天較詩傳更多一句 此 說書說何書也答日尚書緯也當為注時時在文網中嫌 門雙闕舊章懸焉使民觀之因謂之觀如爾雅之文則 秘書故諸所牽圖藏皆謂之說 注古者城闕其南方故謂之 在城關兮謂城之上別有高關非宮闕也紊說文 人君宮門非城之所有且宮門觀闕不宜乘之候盜 教審是則城故有關見了

齊俟我於著乎而俟我於庭乎爾俟我於堂乎而疏毛以為 義得之 業但好登高見於城闕以候望為樂不岐城闕為二 闕南面以受過也與許氏說合鄭為侯國其城制宜關南 首章言士親迎二章言卿大夫親迎卒章言人君親迎俱 南方矣定十二年公羊傳注天子周城諸侯軒城軒城者 親迎也注禮所以必親迎者所以示男先女也於廟者告 是受女于堂出而至庭至著各舉其一以相互見鄭以為 方詩人目驗知之發于刺文如此故鄭箋云國凱入廢學 本也夏后氏逆于庭殷人逆于堂周人逆于戸疏即書傳 三章共述人臣裁迎之禮案春秋隱二年公羊傳護始 是四段五時一 港 事斯

曹其儀一兮箋儀義也疏均壹在心不在威儀以儀義理 所宁立處也著與宁音義同案此朝正門內設屏親迎在 則詩首章云著爾雅釋宮門屏之間謂之宁李巡日門屏 也 殷禮備陳三代典文不著當時之失故日溫柔敦厚詩教 周禮俟我于庭即逆于庭為夏禮俟我於堂即逆于堂為 廟亦以設屏昭十八年左氏傳使子寬子上巡羣屛攝至 **改轉儀為義案儀義古通用周官大司徒以儀辨等注** 于大宮國語魯廟疏屏是其證也俟我於著即逆于戸為 云夏后氏逆于廟庭殷人逆于堂周人逆于戸者是也然 問謂正門內兩塾問名宁孫炎日門內屏外人君視朝 通

大東舟人之 萬 傳武子賦節之卒章注節詩小雅卒章取式訛彌心以首 范式碑儀 典命掌諸侯之 大林和鐘旅敢啓帥刑皇考威義為御于天子義即儀 周世臣之子孫 案序言大東刺凱也東國困於役而傷 那 山案古以節字標目不與毛鄭篇題同昭公二年左氏 子傳舟人舟楫之人箋云舟當作周周人之子 問靡述儀即義故箋云儀義也疏轉儀爲義 八與東人西人私人為例皆近東小國外傳 、則周滅之矣注 五儀注故書儀作義鄭司農義讀爲儀號 凡國之大事治其禮儀注故書儀為義 **秃姓彭祖之别舟** 

綿自土沮漆傳土居也案漢書地里志杜水南入渭師古日 大明會朝清明傳會甲也不崇朝而天下清明箋會合也以 盟古通用清卽請字音相近假借用之屈子引据在詩書 屈子天問會鼂爭盟注一作會晁請盟是朝量為一字明 **笺皆望文解之非實證也** 楫之人望文生義不審厥言矣 也變言舟當作周謂愚世臣之子孫義猶相近若傳謂舟 野踐膠鬲請盟之約故申云何踐吾期斯義爲近如傳與 未焚以前葢必隱括詩義散見于此當以甲子日朝至牧 天期已至兵甲之强師率之武故今伐殷合兵以清明案 雅綿之詩日人之初生自土漆沮齊詩作自杜言公劉

皇矣與爾臨衝傳臨臨車也疏臨者居上臨下之名衝者從 旁衝突之稱故知二車不同兵書有作臨車衝車之法案 韓詩臨衝作隆衝隆訓為大荀子强國篇是渠衝入穴而 嶺側俗名大橫水也疑即杜 水矣是杜與沮添攝目有. 求利也注渠大也渠衝攻城之大車也亦削為高淮南 作雲杜是也 例疏作二車名似于古訓失之 狄而來居杜與漆沮之地又水經注武水發杜陽縣 訓土為居因文解之也土杜古通用書禹貢雲土漢志 **突壞之葢其製為隆其施于用為衝與上文鈎援為** 削晚世之兵隆衝以攻注隆高也衝所以臨敵城 **一种社会大陆** 

公劉于時廬旅傳廬寄也箋廬舍其真旅業廬旅古本一 一武總侯順德護引易日君子以順德正義日定本作慎德 古字通用也荀子成相篇慎聖人注慎讀爲順淮南子人 應俟愼德升象詞王肅本順作愼李氏易傳同朱子云葢 業易緊訶慎斯術也釋文一本作順淮南子繆稱訓引作 **準約此詩上下及易宜為順字又集註亦作順疑定本誤** 作慎公漢書古今人表王慎卽孟子王順華陽國志順王 間訓引書五品不慎太平御覽慎作順史記魯順公世本 **廬舍之廬亦作盧桓公十三年傳羅與盧戎兩軍之釋** 疑定本誤非也 五年張儀司馬錯伐蜀今作慎王並足為通用之證正義

民勞是用大諫箋王乎我欲令女如玉然故作是詩用大諫 文廬力於反又音盧旅亦音盧尚書釋文旅如字徐音盧 盧如字本或作處文公十六年傳自廬以往振廩同食釋 中田之廬自為寄含而已箋云舍其賓旅恐國事草創未 與廬音義並同詩上下文皆用疊字不宜盧旅異詞葢 政使公卿至于列士獻詩瞽獻典史獻書師箴睽賦矇誦 摹言也外傳周語厲王 扂國人謗王 云 正女業召公為詩以冀王聽至末更言用大諫者曷王納 能用備如是毛傳釋廬寄也于旅不再釋得之 閔二年傳立戴公以廬于曹管子作衞人出旅于曹是旋 百工諫庻人傳語近臣盡規親戚補察瞽史教誨耆艾修 **阿拉里安哥** 合 IN 召公日天子聽 卽

**蕩之詩覃及鬼方傳鬼方遠方也正義覃及是及遠故知鬼** 攘之及殷室中衰酷侯皆饭至于武丁征西羗鬼方三 乃克是以鬼方在西也易緯乾鑿度高宗內理其國以得 域西羗傳后桀之亂畎夷入居邠岐之間成楊旣與伐 方遠方未知何方也業後漢書肅宗紀克伐鬼方開道 為大諫臣葢其遺意也 子使鮑叔牙為大諫呂覽勿躬篇臣不如東郭牙請置以 生六子其六日季連是為芊姓季連者卽楚之先也詩撻 之而後王斟酌焉此用大諫之徵至後因以置官見於管 民心扶救衰微奮伐荆楚蘇氏日高宗伐鬼方三年克之 謂此與攻世本云陸終娶于鬼方氏之妹謂之女潰是 加 西

雲漢上帝不臨後天不視我之精誠 靠與前後文蟲官宗 抑維德之隅案漢劉熊碑引作維德之偶偶隅音相近史記 義訓為厚言上帝不厚即 躬屬句音不相叶葢漢避諱凡隆多作臨是詩正文作隆 傳何奴至爲偶人象郅都索隱日漢書作寫人皆其徵也 彼殷武奮伐荆楚琛入其阻裒荆之旅汲郡古文云武丁 殷本紀帝乙無道爲偶人謂之天神索隱曰偶音寓酷吏 北方國坎當北方故稱鬼是又以鬼方在北也 言藍欲移災于身以已當之 我躬箋云曾是當我之身有此乎案丁我躬此罪已之 一十二年伐鬼方師次于荆是以鬼方在南也干壞云鬼 THE PRINCE OF 3

作彼祖矣岐有夷之行笺後之往者又以岐邦之君有佼 益 為序儀禮郵射禮豫則鈎楹注豫讀如成周宣 謝 禮作序孟子序者射也此可舉證又序山之下益徵謝 事于邑于序南國為式與詩作謝異願亭林云古 于申城在南陽宛北序山之下故詩云亹亹申伯王薦之 徐 周宣王之舅申伯所封也詩日申伯番番旣入于徐此 易之道故也 非矣 有序音而轉序為徐然序自在南陽王氏證以 以山得名楚詞七諫荆文寤而徐亡注徐偃王 于邑于謝傳謝局之南國也案潛夫論炎帝苗胄或封 」、 韓詩外傳引詩日岐有夷之行以岐屬 榭 び彭城之 Ž 人讀謝 國 榭 也 地

泮水狄彼東南笺云狄當作剔剔治也 案狄即逃之省逃亦 魯頌奚斯所作毛傳云有大夫公子奚斯者作是廟也箋云 **連文故云公子奚斯作是廟後儒相承是說者顏氏匡** 奚斯作者敘護屬功課章程也孔氏疏亦云奚斯與新 作遏說文逷古文逖漢書古今人表簡遏師古曰即簡狄 相對今以岐字綴徂矣之下恐驚俗蒞未證及此也 以夷行屬岐邦黃氏日抄謂上云彼作矣此云彼徂矣自 言岐邦之君有佼易之道合說苑亦引作岐有夷之行並 何 也是逃過為 正俗文詩魯頌云新廟奕奕奚斯所作蓋言奚斯置造 薛君傳彼百姓歸文王者曰岐有易道可往歸矣與箋 **建築議論詩**一卷 字故笺謂狄當作剔 謬 廟

魯頌蓋子雲失之於前而朱又成其過耳宋羅源捫 **吉甫公子奚斯脪正考甫宋 咸注 以謂奚斯慕考甫而作** 之說亦云作姜嫄廟也而楊子法言乃曰正考前當脪 僧歌其露寢陳思王承露盤銘序云奚斯頌魯謂此詩 殷又諸石刻之文度尚碑故吏咸清廟之頌嘆斯父之詩 頌者始非獨 新廟奕奕奚斯所作其辭只謂奚斯作廟義理甚明鄭 廟而王延壽強光殿賦云詩人之賦感物而作故奚斯 斯父即謂奚斯也太尉劉寬碑感殷魯述德之頌殷謂 奚斯所作旣無所據於義乖矣洪氏容齊續筆閟宮詩 引法言云 云亦謂其誤已自子雲始 案漢人調奚斯 子雲後漢書曹褒傳昔奚斯頌魯考甫詠 風 新 頌

考父公子奚斯追羨遺蹟紀述前勲費汎碑咸奚斯之義 統碑既考斯之領儀乃鐫石立碑曹全碑嘉慕奚斯考甫 考前魯亦調奚斯綏民校尉熊君碑昔周文公作頌宗成 篇終見意亦如節南山家父作誦巷伯寺人孟子作為 刊銘於石楊震碑慕奚斯之追術樹元石於墳道沛相楊 公子也言其新廟奕奕然盛是詩公子奚斯所作也此葢 證如是不容並以相襲而誤叉薛君韓詩章句云奚斯魯 始非無據而如顏洪諸人偏詞有所未盡也 詩崧高蒸民並言吉甫作誦同為一 之美張遷表奚斯讚魯考父頌殷乃共刊石紀功其可推 一卷 )陽案水經注岐水逕岐山西叉屈逕周城南城 例以此證奚斯作詩

思 實始期商傳云期齊也箋云期斷也案陶紫笥依爾雅釋詁 文贻我來牟 菜漢書劉向傳引作釐姓來釐音相近故通 考工記鮑人注鄭司農帴讀為翦謂以廣為狹也是翦 翦勒也大王翦商即王季之其勤王家耳九經古義同據 狹小之義大王居岐土宇旣啟商地漸爲蹙隘勢所必至 指 用之儀禮少牢饋食禮來女孝孫鄭注來讀曰釐隱十 在 東有釐城 年左氏傳夏公會鄭伯盟於時來注時來鄉也滎陽縣 水取稱矣 人据其實言之何為陰謀也 岐山之陽而近西所謂居岐之陽也非直因山致名亦 찶 有

						S
章 經義語詩 卷	<b>茂席敷亦作布並可取證</b>	寢門注今文布作敷是布敷為古今字又說文引書敷重	政優優說文解字通論引布政優優攷儀禮管人布幕于	「廟碑引	有	長發敗政優優業說文憂字註詩日布政愛愛左傳成十一

受業魯山李渡校					

諸稱書不書先書故書不言不稱書日之類疏云諸傅之 序左邱明受經於仲尼疏引藝交志云左邱明曾 秋左氏傳上 一經義證 史倚相之後故其書說楚事為詳黃晉望極以左氏為 邱明為傳以其姓左故號為左氏傳也案左氏朱子謂 疑邱明為戎夫之後 為序言諮稱稱亦即是新意與下七者合為八名証以 (下當指稱 之非據汲郡古文穆王二十四年王命左史戎夫作 亦為一 **营业复金左氏上卷** 例故有八者之目田僧紹注此序以 偃 師武億學男穆淳編 1 史也是 所 字 左

隱公元年孟子卒注先夫死不得從夫諡疏不得從夫諡解 六年傳製九宗五正疏言五官之長者謂於殷時爲五行官 疏送以為諸傅所稱不以稱為新意失之泥也 聲子在春秋之初恩又推之穆天子 傳為 盛姬 諡 日哀 淑 伯克段于鄢傅宏稱鄭伯讓失教也由氏所指義 其不稱惠也此言其正法耳其末世滋遵則為之作諡景 王未別妻稱移后如此之類皆非禮也象蘇明允證論婦 長今褒耀唐叔故以其家族賜之耳案定四年正義云或 人有諡自周景王始即本之此疏王伯厚案曾思公之有 人注粘人短折日哀此又當春秋前已失禮疏皆未及 為五官之長謂如昭二十九年蔡墨所云五行之官員

七年傳發將于公卿注如今計獻詣公府卿寺疏自漢以來 八年傳以泰山之前易許田疏杜依公羊之傳邑實近許故 所居之謂矣疏執一言之義未備也 **登天子得以五行官長賜諸侯哉此疏駁或說五行之官** 廟後碑國縣員冗吏無大小空府竭寺咸俾來觀更非卿 **公禮殿記故府梓潼文君增造吏寺二百餘間史晨饗孔** 古日諸官曹之所通呼為寺椽史所居亦日寺高联修周 而於隱六年疏專指為五行官長前後違戾失勘 也是天子之大臣非唐之遗民然姓而有五也并賜唐叔 史大夫寺此公府亦通稱寺何並傳令騎奴還至寺門師 三公所居謂之府九卿所居謂之寺衆漢御史府謂之御 **於是理良自佐坻上参** 

桓. 五年冬州公如曹疏引鄭康成王制注周世有爵尊而國小 者繆公也 克商始封非為殷之餘國鄭元之言不可通于此矣《周 爵卑而國大者言爵尊國小葢指此州公處公也案處是 知能滅之案史記泰本紀繆公二十年秦滅梁芮則滅芮 光伯似據此為規說非無据 近許國始名為許以規杜氏非其義也《詩曆頌居常與 許傳云常許魯南鄙西鄙疏葢以許為西鄙當與鄭相近 三年傳芮伯萬之毋芮姜疏閔元年晉獻公滅魏芮則不 以許為名劉君更無所遇直云別有許邑邑自名詩非由 王會篇唐公虞公在焉此處即殷之

六年傳丁卯子同生以太子之禮舉之接以太牢注以禮 為天子之官子孫因其號耳即本鄭義亦可舉証 侯其爵無至公者春秋有虞公州公或因殷之瞀爵或嘗 夫人重適也杜解補正引傅氏曰以太牢之禮接見太子 仲之孫以訾鄭氏非也杜氏通典制非二王之後列國諸 姓氏皆先字後名此與孔父嘉 立索隱云世本作公非辟方皇甫謐云公非字辟方也又 疑案世本於姓氏亦不盡先字後名史記周本紀子公非 也謂食其母使補虛强氣也杜解本此故云以禮接夫 案內則國君世子生告於君接以太牢注接讀為捷提勝 年經宋人執鄭祭仲注祭氏仲名左傳補註案世本載 例則仲字足名確然無

君次于郊郢以禦四邑注君謂屈瑕也疏云謂屈瑕爲君者 經九月宋 楚偕 皆先名而後字但此稱祭仲則仲爲字無疑惠氏所據是 君 也 集解引系本云亞園雲都皇甫諡云雲都亞園字此二說 其境何行人之有此即 公羊傳祭仲將往省于畱塗出于宋則仲以國 罪之也疏引劉光伯云祭仲本非行人未知有 入君所知也晉亦何嘗僭號而大夫亦謂之日君恭 十五年傳鄭子產對晉士莊伯日成公播蕩又我 王號縣合稱公故呼卿為君大夫正法當呼為主 人執鄭祭仲注祭氏仲名不稱行人聽迫稱以 劉氏所據 何所據

據 疏 為
通 八年經公會齊侯於濼注濼水在濟南歷城縣西北 五年經天王使家父來求車案士 水條日其後水流逕通津渠勢改杜注春秋 郡 **曾南豐齊州二堂記云齊水自** 水之所入者清河也預葢失之案間百詩論濟水 日君是也疏據楚之 國 古本如是 證 志 **科鄭注儀禮喪服天子諸侯及卿大夫士有地者皆** 以天王 日濟水王莽時大旱遂枯絕者此初絕也剛上濟 水至博昌入海者此復通也然 一使嘉甫來求車嘉與家字異音同或鄭氏 麦育生氏上卷 僭王為義 非 王莽時不能 冠禮注周大夫有嘉 則杜氏當晉時葢 郭注 被河 亦 爾雅並 引後漢 南 丽 濟 所 甫 濼

公六年經冬齊人 書案作質 囚 或保字與俘相似故談作保 此 用說文案藏也從一案聲采古文保 目驗濟外復通會氏遂指為預之失兆也 **資此其證也若匡謬正俗案爾疋云俘取也書序云** 傳亦言寶唯此經言俘疑經誤俘囚也疏案說文保從 采省壁外人从采省 古文保不省然則古字通 會 是其不敢正 一艘俘厥寶玉然則所取於衛之 義無或爽豈必俘即是 又漢隷字源李氏鏡銘明如日月世之保以 决故且從之紊疏所 、來歸衛俘注公羊穀梁經傳皆言衛寶 人孔平仲雜說獻 耳杜旣以爲誤而 寶玉而來獻之 周書 言係與寶取 日陳字赤刀今 又解俘 占 用寶 經

僖四年東至于海西至于河南至于穆陵北至于無棣注穆 - 九年傳鬻拳葬諸夕室注夕室地名案楚子之卒宜反葬 於國今醫拳葬之者權厝也卒在六月為今之四月南方 室證之晏子春秋有夕室之文又下文公曰先君太公立 宮何爲夕對日以今之夕者周之建國國之西方以尊 邑亦可言俘又不獨物為然此數解足破杜氏兩岐之說 也然則此夕室即室名權厝故宜於室及拳自殺葬於経 氣娛處洩其臭醫绎是用浮土淺墳以俟嗣君迎葬註夕 是也室古通作室故絰皇亦室之皇以殉君死示不相 也物皆可以為俘俘取也昭十八年傳鄭曰余俘邑也是 **上** 整經衰靡左氏上卷 一十四年傳履及于窒皇呂寬注引作經皇

邓 謂之四荒當太公始封豈能以四荒命賜河海穆陵皆附 案呂氏春秋季夏紀云周昭王 所至之域然此四廢之所明言封竟索隱亦曲說也 迎 多力為王右還反涉漢梁敗王及祭公隕于漢中汲 王南征而不復注昭王成王之孫南巡狩涉漢船壞 引京相璠日舊說無棣在遼西孤竹縣案如舊說無棣在 **吃無棣皆齊境也蘇水經注清河又東北無棣溝出焉下** 無棣在渤海高城縣義為近之史記索隱無棣在途 西孤竹則于齊封竟太遠爾雅觚竹北戸西王母日 通 服虔以為太公受封境界所至不然也盡言其征伐 何獨無棣職絕至此舊說悠謬失考之甚矣齊地 一親將征荆營辛餘靡 溺

昭 一年の大学 からいいていている 書 案正義云梁敗復非船壞葢誤認梁與船爲二 攻詩七 漢濱之人以廖廖船故得水而壞昭王溺焉不知本出 明云造舟為梁李巡日比其舟而渡日造舟孫炎日造舟 文十九年祭公辛伯從王伐楚天大愷雉兎皆震丧六師 公隕于漢中辛餘靡振王北濟反振祭公高誘註引此 征荆蠻辛餘靡長且多力為王右還反涉漢梁敗王及祭 本紀昭王南巡狩不返卒于江上之文也 振王為虛誠如高誘之註又稱梁敗復非船壞舊說皆言 王南征而不復正義曰呂氏春秋季夏紀云周昭王親將 于漢並與左氏南征義同而注獨調之巡狩葢因史記周 是四段年左氏上卷

勲在 五年號仲號叔王季之穆也注仲叔皆號君字疏据傳云 制巖邑也號叔死焉註虢叔東號君焉則鄭所滅者叔後 滅 國 晉所滅者當即仲後 浮梁當時必以船為橋船旣廖散則橋亦敗矣舊說與呂 橋故杜預云造舟為梁則河橋之謂也又方言艁舟謂之 氏各據其實言之義並得通 比舟為梁也然則造舟者比船于水加板于止即今之将 王室滅於盟府注盟府司盟之官案襄十 之典也藏在盟府注司盟之府明此注官字為誤 司勲大功司勲藏其武注功書藏於天府然則盟府即 虢晉滅 號不知誰是仲後誰是权後案隱元年 年傳夫賞 文問 鄭

其夷産襄子武武産景子耐涉耐涉産徼凡十代此 産桓子啟方啟方産成子孺 復見傳亦舉其無驗正義邱明之意假稱君子論管氏應 卽 仲以身下之 註云傳亦舉其無驗是也案史記管晏列傳鮑叔旣進 合世紀也宜哉而遂不世祀子孫絕滅是行善無驗故杜 |年君子日管氏之世配也宜哉注管仰之後於齊沒 一祀實証也又成十 天府異名與 索隱引世本云莊仲山產敬仲夷吾夷吾産武子鳴 氏在齊不聞有兩族杜氏曲說葢欲隱馥其 子孫世祿於齊有封邑者十餘世常爲名 經義題在氏上卷 年傳有齊管于奚世族譜 **孺 産 莊 子 盧 盧 産 悼 子** 

子魚言於宋公日文王聞崇德亂而伐之軍三旬而不降退 正義引世族語管氏出自周穆王紫廣韻管姓出平原周文 <sup>梁</sup> 然則仰之世配至漢猶然 熟問為善無驗即 修敬而復伐之因壘而降釋文云一本作而復伐之伐 則管實 **東觀漢記藏陰氏世奉管仲之祀於邑謂之相君子合裝** 王子管叔之後是管叔在穆王之前子孫後以封邑為氏 世有令人矣路史敬仲相齊公伯卒於齊其耳孫修適 世紀何必在齊始驗新序楚恭王世亦有管蘇管氏在 十六年傳稱楚白公殺齊管修修在楚尚為賢大失管 出自周交王與譜異 大夫漢始南陽世率仲祭號相君有陰氏陰嵩

漢書注引作退修政而復伐之當時諸儒所依本並有伐 初傳本又有伐字詩皇矣正義引作退修教而復伐之後 伐與復伐之亦合此伏湛約舉傳文而為此言是東漢之 崇國城守先退後伐葢云先退與左氏退修敎合下言後 證以後漢書伏湛傳湛上疏引詩日帝謂交王詢爾仇方 杜于註云退修教而復伐之因壘而降亦即本之此傳再 字也案陸氏所據本與唐石經及今本與但以伐爲衍字 同爾弟兄以爾鈎褒與爾臨衝以伐崇墉旣乃申其意云 王伐崇再駕而降為臣傳交旣云再駕明有復伐之事故 初古本已有伐字故釋作復往攻之又襄三十 **亦非杜注云復往攻之備不改前而祟自服則杜氏在晉** 是是是五氏上卷 一年傅文

曹共公間其縣育欲觀其裸浴荫而觀之案外傳晉語重 遂 為焦觀之後故傳作焦注作今該縣是也 取焦夷注焦今離縣也衆焦龍古通用字隸釋態敏碑云 趟 注微蔽也薄迫也與此合韓非子十過晉公子重耳出 曹岡其縣稻欲觀其狀止其舍謀其將浴設微游而 過於曹胄君袒裼而觀之是言曹君袒爲不敬矣莊子 非雅聞也 曹共公視其駢脅使袒而捕池魚過為媒濱於事不 間訓曹君欲見其縣脅使之袒 四年晉侯求之不獲以縣上為之田杜解補正之推旣 審陸氏何據乃謂伐衍字也 而捕魚呂氏春秋上 德 觀 耳

鄭子華之弟子臧出奔宋好聚鷸冠杜註聚鷸羽以爲冠 **人故之親身兮因稿素而哭之明文公在時之推已死** 隱求之不得未幾而死乃以田祿其子爾楚詞九章云思 以為名當時文公亦猶是也顧氏必謂以田錄其子孫未 越國皇天后土四鄉地主正之亦在蠡旣去之後而市 得譎者之情矣 以為范蠡地日後世子孫有敢侵蠡之地者使無終沒於 記則云聞其入縣上 法之服匡謬正俗引逸禮記日知天文者冠鶴葢以子威 案此虚封也不必有人受之 介推田號日介山然則受此田者何人乎於義有所不通 一山中於是環縣上山中而封之以爲 )外傳越語環會稽三百里者 非

與藝術士聚葢曲說也戰國策蘇秦日蚌鷸相持葢亦有 與復往往見諸服御今子滅以兄見殺或欲冠此以示不 **秦頻氏誤會聚字非屬子臧自冠是與下文服之不衷竟** 文者遊聚有所圖議是以鄭伯恐其反國作亂令誘殺之 是子華之弟以兄見殺怨而出奔有自公之志故與知天 忘是所云聚者以稱羽無多裒以爲飾而顏氏乃謂子, 仇冠者攻楚莊與趙武靈王皆雄畧不世出之主其志在 相 術通察邕獨斷謂為術氏冠與服志術氏冠前圓吳制差 健闞之意與怒蛙相等者故製冠取其意豈盡以知天 遞迤四重趙武靈王好服之注淮南子日楚莊王 低悟矣鶴字本有術音逸周書云知天文者冠述述與 一所復

載 自為 在盟府太師職之注太公為太師兼主司盟之官案師當 作史聲之誤也周官太史凡邦國都鄙及萬民之有約劑 鄭爾然云挈壺飱而從則從字已句絕矣劉氏所據當 飱是將不以原叛乃舉以為原令此 即趙衰事誤記為箕 寢餓而不能食及文公反國曰輕忍饑餒之患而必全壺 非子晉文公出亡箕鄭挈壺飱而從迷而失道餞而道泣 雨 十五年昔趙衰以壺殡從徑優而弗食 案 劉光伯改徑為 深中索隱] 又云以迷而失道替徑字是徑當如字即由徑之謂 便與知天文適宜乎 讀餒而弗食又為一 日徑舊音經下屬杜氏訓經猶行上屬攻碎本紀夜徑大下屬杜氏訓經猶行上屬攻碎 明明ではからいまれた氏上数 讀

氏依交曲說昧其實 **今傳本皆作太師葢** 與他官分藏以擬相勘當者周書寄麥解太史乃藏 府以為歲典荀子春秋薰隧之盟太史書 主滅載書 耳 天府太史內史 年鞭 ,助句墨子號令篇從淫之 人貫三 背 又大 致配學智之韓文公行狀云王武俊同 司會及六官皆受其貮而藏之 司宠凡邦之大盟約涖其盟書而登之 加禮 机 人耳疏耳助句 記太史陳詩以觀 詞及券書也葢周之定制以 踰時不 法其罪射務色謾出 也紫軍刑有以矢 寧其罪 名皆 民 風尚書 則太史 可据 黑 太

二十八年晉師入曹數之以其不用僖預鄰而乘軒者三百 趨有 緊獄或迺肉袒以箭質耳抱升子潛伏道旁是其徵也 字云軍法以矢貨 樂器弊戰軍中有則其罪射非有司之令無敢有邛馳 人也且 舉於君威亦足矣後漢書楊政傳范升嘗爲出婦所告坐 別大罪到黃氏六皆故敢此文下引楚漢書原沙傳諸 其罪射無敢歌哭于軍中有則其罪射谁云射 則日原巨先奴犯法不得使肉袒自縛箭貫耳詣廷門謝 正俗云獻狀言今我之來獻駢脅容狀耳斯葢咁美之言 則其罪射無敢散牛馬軍中有則其罪射飲食不 日獻狀註言其無德居位者多故貴其功狀匡謬 電配袋日左氏上巻 一從耳從矢司馬法曰小罪聅中 2 溡

距蹤三百山踊三百衆百伯陌古皆通用管子四時篇正千 三十年狄間晉之有鄭庭也疏間間厠之間菜間當作 任伯之· 伯注 證 伐鄭然則此獻狀云者所謂反唇稽之更與小顔添 **傳晉語重耳過曹聞其駢脅欲觀其狀又文公詠觀狀** 一間成十 陌也杜解補正引邵氏日百音陌猶阡陌之陌也 千伯即阡陌也董仲舒云富者 中漢書食貨志開什伯並以伯爲陌然則三 一年傳狄 Chicago Anna Paris 間宋之盟以侵晉疏問宋間 )師也左傳補注云其義亦通 田連仟伯 過茶論起 百 此 問 陌 削 凯

鄭之有原閩猶秦之有具閩也注原圓具囿皆囼名疏云 三十三年且使遠告於鄭注遠傳車疏釋言云驛遊傳也孫 囿名 伞縣 問襲 遠疾即其義杜解謂傅車非也 遠使奚施歸告來告注遠傳也益當日改高行買自使 其誤皆與此同 同人疾馳而告呂氏春秋貴因篇武王日嘻遽告太公注 將四市於周道遇泰師曰嘻師所從來者遠矣此必襲鄭 炎日傳車驛馬也業呂氏春秋悔過篇鄭買人弦高奚施 也 四年傳楚 西有國田澤則原圍地名以其地為圖知與具囿 一案准南子秦之陽紆注在馮翊池陽一 **建筑地设置左氏上卷** 人使頓問陳而侵伐之疏問陳問厠之間 £ 一名具圃 中

鄉 師 有前草韓詩作囿草圓囿字義皆通用作圖草群君日圓具囿漢人作具圓初學紀引此傳亦作具圖案詩車攻東 轉寫訛也史記泰本紀旣言大破泰軍無一 大事 者左傅稱秦伯嚮師而哭則師亦少有還者攷師寫師 氏古本亦作褶帥而哭太史公欲人易曉少異其文此 "而哭 業書秦誓正義公羊傳說此事云匹馬隻輸無反也有博 三將至繆公素服郊迎嚮三人哭則三人舊為三帥左 **微會不必如孔氏附合少有還者為此曲解也** 受業會山李波校 人得脫者

春秋左氏傳中卷 **又公五年沉漸剛克** 漸義作潛後周華 **永傳忘湛漸之義師古** 文說證之此傳益信左氏古字古言其來有自若漢書谷 訓 非 授都尉朝而司馬遷 為漸史記微子世家引洪範沉漸剛克漢書儒林傅安 字集解馬融日沉陰也潛伏也陰伏之謀謂賊臣飢 日之 潛剛克蓋顏氏昧于古義不知二字通訓也 漸君親無將將而 學是後径左氏中卷 頌沉漸以剛高明柔克是漸潛古 亦從安國問改是遷書所載皆 日湛讀日沉漸讀 正漸害作潛案 誅焉是馬氏所見本為潛 偃 師武億學男穆淳 日潛周書洪範 劉寬碑演策

宣一 十八年 年犀児尚多疏云徧檢書傳犀児二獸並出南方非朱 有假合波及朱國必不能多言尚多者苟以荅謳《兕亦年犀兕尚多疏云徧檢書傳犀兕二獸並出南方非朱所 車為 高 二年甲車四百六十乘下文宋人以兵車百乘業淮南 斗南云意孟堅所見傳文與此小異 必殺之昔吾先君唐叔射児於徒林殪以爲大甲則晉 射鷃不死使竪襄搏之逸公怒拘將殺之叔向聞之日君 氏注馬被甲車被兵所以衝於敵城也故稱甲車証兵 於社林獲犀牛一以歸則東周畿內有之國語晉平公 季狸案古今人表季熊師古日即傳所謂季貍者 出南方詩吉日篇殪此大児汲郡古文夷王六年 

三年栽配六百注载配皆年疏載配皆年之別名複言之耳 貿易他方物之所聚宋亦得言多也 有犀兕之甲是齊與鄭又並有此犀多産於南而皮自 有之管子小匡篇入以兵甲犀肴二 楚莊留為聲援必不遽返歸於楚境疑卿地幅員廣倍他 **案載當記載之載謂記年六百與下卜世三十卜年七百** 日載祀六百是商不獨通稱年且稱載亦襲杜注 何意同賈達日載辭也配年也商日祀以載為辭不云皆 一年楚左尹子重侵宋王待諸卿注卿楚地案子重侵宋 可據尚書古文疏證王孫滿於周日卜年七百於商 一城之北以遠廩延皆為其地故有延名下文士 **建码旋**缝左氏中卷 战鹽鐵論强楚勁鄭

十四年歷及於室皇注室皇寢門闕疏經傳通謂兩觀爲 近考 陳按 門亦如此 阅 唯指雉門高大為縣舊章而使民觀之故雉門之视特 卿 涟 名名為關者以其在 子北標之杜氏不達其旨注于前獅為楚地非也奉承之南境次於獅者鄉之北境一地而前後兩見傳特以 年博楚子北師次於郯注 師古 地高氏已于杜解楚地未安是時楚子與陳鄭盟于辰當 韓 南境次於郑者卿之北境一 一路寢之室投袂而起故歷及於室之皇自 耳故杜於寢 日室無四壁日皇是也據楚子當時間申 THE THE LEASING 中即是室皇即室皇亦循漢書坐堂 門 門家門皆以闕言之案室古作 兩旁 **卿鄭北地是也葢待諸卿者** 而中央關然為道雖 是 而前後兩見傳特 捌 闙 被

成一 十七年晉人級之逸案於時晏弱蔡朝南郭偃三子皆被 逃歸不及晏弱知弱得脫久矣 侯晉侯盟於給以公子强為質於晉晉師還蔡朝南郭 逸 则 年使齊之封內蓝東其畝畝是則土 者惟弱一人以苗資皇首為之言故先得逸去下傳 . 噶投秧而起履及諸庭庭即室之皇也益證杜解爲謬 春秋行為朱殺文無畏於揚梁之 劒 及於髮門之外車及 一非虐始於 **鋭卒千人先以接敵諸侯莫之能難反鄭之** 是理長日左氏中卷 卻克也呂氏春秋簡選篇文公造 東衞之畝韓非子外儲說伐衞 於蒲胥之市是其義也後 齊也事案此晉之 秧 阅 岡

十年五月晉立太子州蒲以爲君經伐鄭注晉侯太子州蒲 六年土薄水淺其惡易觀注惡疾痰觀成也疏土厚水深居 當與有汾澮以流其惡爲對惡屬垢穢仍屬地氣使然於 業惡非訓為疾疾據傳文沉溺重膇之疾下乃言之則惡 義為近又爾雅訓觀為見杜易作成故違古訓亦不可從 之不疾此云土薄水淺必居之多疾以此知惡是疾疢 晉厲公名州滿又有王孫滿是同名不諱則此爲州滿或 也疏漢末有汝南應劭作舊名諱議云昔者周穆王名滿 蓋晉已施於衛而卻克又欲施之於齊也 州浦誤耳今定本作滿茶浦宜作滿字形之說也史記 - 九年夏晉景公病立其太子壽曼為君是爲厲

**獲泰成差及** 法於秦戰 義如 寡我骏公此別本我字在 大兵兵此 答 裏四 年 
死我君釋文死 是 不更五 斬 不更女父注 異異大 门 近十三 者賜 **英有误** 並 大夫六公大夫七官大 近 應 옑 我君 中更十四右更十 死上 八公乘九 紁 本或以我字在 其筲名 衙 一者為定古人比事 五大夫 為公士 公然商  $\mathcal{F}_{1}$ 死 浆 百 漢 官官

五大夫已見於楚趙二國矣管子小匡執玉以見詩為關 非不穀於是爵之五大夫無義篇續經以仕趙五大夫 不安職之而不穀得焉不以吾身爵之後世有聖人將 秋長見篇荆文王日莧語數犯我以義道我以禮與處 計堅守者十人及城上東北五官者皆赐假公乘哀四年 君新作然亦非獨此也公乘見墨子號合篇官吏豪傑與 難得而知耳豢疏云不更既長一虧自春秋已有調非商 以漸增之商君定為二十非是商君盡新作也其名之義 襄十一年有庶長飽庶長武春秋之世已有此名葢後世 子聽卜遂執之與其五大夫以昇楚師於三戸呂氏春 相封於商號為商君案傅此有不更女父

書云韓必為關內之侯則關內侯已見於周及齊楚矣虽 馬也四不更言不豫更卒之事也五大夫列位從大夫六 關內侯葢齊亦有關故魯亦稱比關內云兩至或謂一通義日秦時六國未平將師皆家關中故稱至或謂一 官大夫七公大夫加官公者示稍尊也八公乘言其得乘 言有成命於上也三簪裹以組帶馬日裏簪耍者言飾此 **爵之名義難知愚以兩漢書注補之爵一級日公士師古** 公家之車也九五大夫大夫之尊也十左庶長十一右族 里而封之番請比關內侯以聽史記春申君列傳黃歇 氏春秋貴信篇齊桓公伐魯魯人不敢輕戰去魯國五 內之侯戰國策秦縣東周篇內王不岩與資展 一言有爵命異於士卒故稱公士也並同二上造造成也 意思是是在氏中卷 關內侯

也古者成士升於司徒曰造士雖依此名皆步卒也三爵 皆主上造之士也十七駟車庶長言乘駟馬之車而爲衆 日簪裹御駟馬者耍裹古之名馬也駕駟馬者其形似 長也十八大庶長叉更尊也十九關內言有侯號而居京 長族長言為泉列之長也十二左更十三中更十四右更 **枚日簪裹也四街日不更不更者為車右不復與凡更卒** 殺無國邑二 **爵為公大夫八爵為公乘九爵為五大夫皆軍 吏也吏民** 更言主領更卒部其役使也十五少上造十六大上造言 同也五街日 爵曰公士者步卒之有爵爲公士者二爵曰上造造成 1大夫大夫者在車左者也六舒為官大夫七 一十微侯言其爵位上通於天子劉昭云簡 大学の大学に

襄四年羿猶不悛將歸自田家衆殺而烹之以食其子疏云 請伐齊晉侯弗許請以其私屬注私屬家衆也疏不 界之家泉人、承此家泉蓋亦其親兵如宣十七年卻子 爲 右庶長即左右偏裨將軍也 將皆族人更卒也故以與更為名大族長卽大將軍也左 爵最高者也雖非臨戰得公卒車故日公乘也十廚為左 四鹐為右更十五鹐為少上造十六胷為大上造十七 列侯自左庪長以上至大庪長皆卿大夫皆軍將也 不得過公乘者得貰與子若同産然則公乘者軍吏之 **爵為右族長十二爵為左更十三爵為中更十** 

午縣門發疏縣門者編版廣長如門施關機以縣門上 疏未証及 幕孔孔之各為二 為度塹之末為之縣可為一人所容至諸門戸皆令鑿而 為縣門沉機長一 宠則發機而下之案墨子備城門篇凡守城之法備城門 四年叔孫穆子賦稅有苦葉注義取於深 二寸施土扇上無過二 志在於必濟疏以穆子止賦此詩不言所取之意未必 因文解之非也 曲得其情杜以厲揭為義切於取匏有苦葉故不 The male and the N 一幕二 一丈废八尺為之兩相如門扇數令相接 |寸塹中深丈五廣比扇塹長以 鑿|而緊繩長四尺此縣門遺 則厲淺則揭

二十一 一十三年入孟門注孟門晉隘道案孟門為晉隘道今古 此官 **灓盈日將歸死於尉氏也漢書地里志注應砌日古獄** 豹之業在匏有苦葉矣叔向退召舟虞與司馬日夫苦 **椰云尉氏鄭國之東鄙弊獄官名也鄭大夫尉氏之邑** 國 、知疏誤會杜吉杜言已志在於必濟與國語必將涉矣 語而別為此解案外傳魯語叔向見叔孫穆子穆子 一年將歸死於尉氏注尉氏討姦之官案水經注引 鄭之 同而疏云不從國語非也 人共濟而已魯叔孫賦匏有苦葉必將涉矣據 )別獄也据是則盈言歸死葢晉已因古名設 故

東蓋 馬貞注吳起列傳云劉氏按紂都朝歌則孟門在其西今 伐晉入孟門孟門山在慈州文城縣禹貢錐指引史記 能禁注孟 言左則東邊別有孟門也其注齊世家則日孟門在朝歌 山盆 即今埛縣之白陘也春秋地名攻齊入孟 加 然指皆未實指其地淮南子俶真訓孟門終降之山不 山在朝歌東北太行山在河內温 西 入亦不當反在其東然則孟門者太行隘道之名疑 也其語雖 起言以立說今其地實無山以應之齊師自朝 門山名太行之隘也賈景伯注孟門大行皆晉 未徵質然亦不至紕謬唯史記索隱日 太行陘白陘今在河內者推之白陘當 縣西困學紀問云齊 門登太行者 歌 司

春秋 屋首山太華岐山太行羊腸盂門晏子春秋莊公終任 險矣注孟門太行之險也有始覽何謂九山會稽太山 所信有似矣然皆非也攷記傳孟門單言者呂梁未鑿 孟門大行之限也及左傳此文當在晉境之中求之外傳 國左孟門右太行此在晉之東孟門與太行連言者呂氏 門用是知 朝 士西伐晉取朝歌及太行孟門淮南王書地形訓 門此在晉之西對太行言者吳起謂魏武侯殷紂之 西北徐健遊序此云齊靈公之伐晉也自朝歌入 一德篇孔子閩之日通乎德之情則孟門大行不爲 晉東亦有孟門為太行之徑道此數說推其處 (音楽を) 王屋首山太華岐山太行羊腸孟 经主义中省 źΨ. 河

謔降退 年帝游居於陶叉云一 原在濟原縣西由原而退舍三十里在今濟源城之西 孟門所在當依原推之後漢郡國志軹有原鄉通 名封 則居陶故舉其終始而稱之日陶唐氏疏葢失檢 陶唐氏汲郡古文帝堯八十九年帝作游宮於陶 四年自虞以上 代原下云乃去之及盟門而原謂降注盟 此典之彦。説文陶邱有堯城堯嘗所居故未開帝堯居条説文陶邱有堯城堯嘗所居故 冠唐葢地以二字為名所稱或單或複也於 門鎮封亦盟音轉配也 而請降然則盟門即孟門也孟盟古字通 一為陶唐氏疏歷檢書傳未聞 百年帝陟於陶然則堯初 云語歴疏

在商為豕韋氏疏商之初豕韋國君為彭姓也其後乃以劉 累之後代之亦不知殷之何王滅彭姓而封累後也業災 **鄭語豕韋諸稽則商滅之矣注大彭豕韋為商伯其後世** 韋孟詩肅肅我祖國自豕韋總齊羣邦以與大商至于有 失道殷復興而滅之注所指亦與古文同漢書韋賢傳載 幸國于東郡白馬縣殷末國于唐周成王滅之案豕辜旣 郡古文武丁四十三年王師滅大彭五十年征豕韋克之 **周歷世會同王赮聽踏實絕我邦容齋四筆引杜預注**家 孟自敘乖疎洪氏武之非也 五年男女以班疏云杜意男女分別將以路晉也又傳 于商而又至周成王城之赧王絕之疑皆續封之君 是經後登在氏中卷

解象 女以班路晉侯以宗器樂器案正義 以烙晉也炫謂男女分別示晉以恐懼服罪非以爲路 **於晉 赂連文故云皆以男女為賂劉炫以為男女以班示降** 宗器樂器義 **路字絕句** 又傳下文處守者皆有路正義云社以上句男女以 降特以男女別而囚係以待命 各 別係 有路者皆有貨財路之非以男女為路據此則杜 班與辨古字通哀元年蔡人男女以辨注辨別也男 者皆有路杜注皆以男女 製而出降此班字即同是解或此時齊尚未肯 劉以將屬 又傳文自六正 下讀攷杜以男女以班贻則晉侯 也 為路明前文當 云杜意男女分 服 业

列 可馬致節 國 男女以班為讀 器樂器同蓋古戰敗而復求存禮率如是益徵將字不與 此男女別即與男女以班同路以宗器亦與路晉侯以 文 馬桓子赂以宗器叉云使其浆男女別而纍以待於朝案 訓也從劉氏讀為正又鄭公孫夏師師伐陳傅陳侯使 杜 所重餘皆遍及故自路晉侯以下至皆有路語勢連貫 以軍 氏解處守者句猶謂皆以男女爲胳其曲爲穿鑿不可 夫百官之正長師旅及處守者皆有賂明爲賂晉侯 同注方百里疏周法大國五百里此為 業周禮掌節在地官此云以司馬致之葢當為逸 馬奧司馬行 是是最近 司馬皆闕故也 氏中卷 同者 可

表淳鹵杜解補正引陸氏日淳鹵地宜鹹者按上下皆以一 敷 字成文未解淳為何等之地 業 周西宮襄戎夫盤 宇為義賈達以疆爲疆樂境埆之地與滾爲水潦之地分 淳古當借作渥詩在河之滣此淳即是河壩地 國 表於艾造表於艾衟內陟艾舜於厂涫表都麻除口 又云大國地方百里此即周制灼然可見疏云引夏殷時 源注 土田 時國小以該晉國之寬大權以拒晉耳條周封五等當 小以譏晉國之寬大曲說無據 百里為定限易震卦震驚百里孟子云公侯皆方百 山林藪澤京陵淳鹵偃豬原防隰皋衍沃並以一 疆界有流潦者案杜以為疆界之潦非是據上 THE TANK AND THE PERSON 銘柱木 淳之

二十六年譽之柔矣注逸詩見周書疏日漢書藝文志無周 二十八年吳句餘注句餘吳子夷末也疏此時吳君是餘祭 一十七年秋七月辛巳豹及諸侯之大夫盟於宋注豹不倚 也明年餘祭死乃夷末代立昭十五年吳子夷未卒是也 順以顯弱命之君而辨小是以自從故以違命貶之業下 周 書 七 十 貶之注文重沓 傳文杜叉注豹宜崇大順以顯弱命之君以遂其小是故 之餘明徵如此而疏云無是失檢也 書篇目其書今在或云是孔子刪尚書之餘 ※ 漢藝文志 解為晰月令可以美土强注土强强檃之地是其義也 篇劉向云周時語暫號令盜孔子所論百篇 1号正美 显左氏中卷

齊人 來奔魯齊人來讓方更奔吳明年五月而閹弑餘祭計其服虔以句餘為餘祭杜以爲夷末者以慶封此年之末始 怒 **犇 吳 吳 子 慶 封 朱 方 之 縣 以 為 奉 邑 吳 越 春 秋 吳 王 餘 祭 間未得賜慶封以邑故以句餘為夷末也 業慶封來奔即** 隱餘祭以二十九年卒則二十八年賜慶封邑不得是夷 氏決無任其懸萬之理然則服氏注為餘祭信有徵也索 朱方處之吳世家王餘祭三年齊相慶封有罪自齊來 日慶封窮來犇吳封之朱方葢 、杜預誤爲夷末耳其說更可依 也屬 四 其初來欲以緊屬

見舞象箭南簧疏引詩云維凊奏象舞則此象箾之舞故 一十九年季札詩觀于周樂或謂季札觀樂魯何以爲之 其義未聞也又云杜不解南劉炫謂南如周南之意衆呂 君之無算故義得盡陳 陳粲儀禮郵飲酒注云吳公子札來聘請觀於周樂此 氏春秋古樂篇成王立殷民反王命周公踐伐之商 崔杼尸邊以章其罪案莊公旣歿于大寢則莊公之棺 破其棺而尸之故云以其棺尸與鄭人爲君討城斵子家 元注詩云象用兵時刺伐之舞是武舞可知其名之日南 相行师生际加追我使户期拍出又可為於八月十日近記相行罪三周志王凌伸羽張成為春秋之義再准行即 鄭

君侈而多良案疏謂多以惡人爲良而善之是舊讀以良字 嘉其德高氏註三象周公所作樂名淮南子齊俗訓其樂 **象之像恐非其實疏又云南義未聞又引劉炫謂南如周** 之女乃令其妾候禹於塗山之陽女乃作歌歌日候人兮 南之意案光伯言是也呂覽音初篇禹巡省南土塗山氏 **椅實始作為南音周公及召公取風焉以為周南召南葢** 大武三象棘下是周公因征服象始為象樂鄭以象為比 象為虐於東夷周公遂以師逐之至於江南乃爲三象以 絕句攷此宜以多字屬讀周禮司勲戰功日多注克敵出 奇証之成十七年傳范文子反自鄢陵使其脫宗亦死日 以南名樂昉之此矣

良字圖下為正黨女子多亦 作匄者是又案爵有仲嬰齊是莊公之孫又有公孫嬰亦 伯字伯瑕又春秋時人名字皆相配楚令尹陽丐字子瑕 即上文趙文子韓宣子魏獻子 而多義正同良字屬下大夫皆富讀蓋季札所云良大夫 以為銘于鍾鼎傅遺後世子孫曰莫若我多與此文君侈 文伯是范氏之族不應與范宣子同名作丐是也案士文 其民人取其牛馬粟米貨財則書之于竹帛鏤之于金石 君驕侈而克敵是天盆其疾也墨子會問篇攻其隣國 (字正同又鄭有駟乞字子瑕匄與丐同義 位母释文匄本作丐士文伯名也解者云士 下邑之役 一族皆晉之良也故斷以

何廢同乎案內則疏案春秋衛襄公名惡其大夫有齊惡 然印段即公孫段從父兄弟之子尙同名字伯瑕與宜子 是文公之孫仲嬰齊于公孫嬰齊為從祖同時同名鄭有 明齊惡先衞侯生故得與衞侯同名是知先生者不改也 或亦不以已奪人之名衞臣尙有石悼子亦名惡山禮註 名也君子不奪人名不奪親之所名重其所以來也宣子 又案穀梁傅卿曰衛齊惡今日衛侯惡此何爲君者臣同 公孫段字子石叉云伯石印段字子石傳叉謂之二子石 諱矣如厲王名胡僖王亦名胡齊蔡文侯昭侯相去五 子生而得同名叉雜記與從祖昆弟同名則諱若遠則不 **生者不相辟名衞侯名惡大夫有石惡今士文伯或先宣** 

	 	 			ł
				言之亦自名正不復與宣 言之亦自名正不復與宣 有作正者則丐即正字之訛正義云世 皆名申此士文伯與宜子別族亦同此	الإنارة والمراجعة والمنابية المراجعة والمراجعة والمراجعة والمراجعة والمراجعة والمراجعة والمراجعة والمراجعة والمراجعة
				中或談為 土 丐 排 此 的 然 的 名 古 古 本 或 维 的 名 古 古 本 或 维	103 1

春秋左氏傳 昭公元年虞有三苗夏有觀扈商有姺邳周有徐奄疏此 一經義證 彭 汭之地竹書紀年帝啓十 舜有商均啓有五 其觀與姺邳則史傳無文案外傳楚語士亹日堯有丹朱 所云四代有罪之國其三苗與有扈徐奄尚書畧有其事 |德也||而有姦子韋昭注謂五觀啓子太康昆弟也觀 壽帥師 五觀也觀國今頓邱衛縣十五年武觀以西 下卷 號五觀水經注引國語日啓有五 征西河武觀來歸漢書古今人表太康注 **《解絕憲語在班下港** |觀湯有太甲文王有管蔡是五王者皆 年放王季子武觀于西河注 偃 師武億學男穆淳 河叛

四年夏啓有鈞臺之享商湯有景亳之命周武有孟津之誓 一年少姜有罷於晉侯晉侯謂之少齊注為立別號所以寵 為觀地矣蓋太康弟五君之號日五觀者也姺邳則證以 觀與佐邳其可見者疏皆未證及也 異之疏婦人稱姓姜是其常葢以其齊女故以齊爲別號 汲郡古文外壬元年邳人姺人叛又河亶甲三年彭伯克 案詩有齊季女傳齊敬季少也少齊即季齊疑當以此為 子五觀蓋其名也所處之邑其名曰觀又云古交尚書以 號 成有岐陽之蒐康有酆宮之朝穆有塗山之會疏此六王 五年侁人入于班方彭伯韋伯伐班方侁人來賓然

五年南遺使國人助豎牛以攻諸大庫之庭註魯城內有大 豐宮穆王三十九年王會諸侯於塗山此並可舉為證 庭氏之虚於其上作庫案此傳卽十八年傳梓慎登大庭 年甲戌春正月王即位命冢宰召康公總百官諸侯朝於 征碩成王六年大寬於岐陽成王盟諸侯於岐陽原王 八年昆吾氏伐商商會諸侯於景亳遂征韋商師取韋遂 不見於尚書若云皆書傳無文非也汲郡古文帝啓元年 癸亥帝即位於夏邑大饗諸侯於鈞臺諸侯從帝癸二 氏之庫同文則今傳作大庫之庭或文傳刻有倒易正義 乙事唯周武王孟津之暫尚書有其事武王伐殷作泰 |篇是也其餘五者皆書傳無交不能知其本末、此特 **飞速影**佐氏下卷 +

七年 五年叔禽叔椒子羽注皆韓起庶子疏引劉炫以爲叔禽等 是並有縣邑矣韓須為起之門子受命出使佝脛于起 亦是韓起之族案光伯言是也哀二年傅 山 始克稱家今傳言箕襄邢帶叔禽叔椒子魚皆 自 庭是堂前地名望文生義殆失其實際影響 亦為韓氏之族其說可依 稱家况其庶子何容更目為大家故紫箕襄那帶 無山與之荻柞注萊柞二 也 酈 也 那縣 氏所據傳文以與之 取目焉漢高 可取以補遺至林唐 祖置左傳曰與之 一山案 在無山上 水 經注按 上大夫受 |與今本異 泰無萊 釽 大家 桃 山及菜 縣 無

弱足者居杜解補正引屯初九爻詞曰磐桓利居貞昔人以 焉得居注又言孟跛利居則居字屬句久矣顧氏此証贅 居字為句魏明帝之徵管寧日磐桓利居案傳文明云 文也 山意為之解也 **鞏亦諡為東周惠公封氏聞見記背周公文王之子諡** 諡文威烈王時周桓公孫惠公諡惠及惠公少子班封千 康伯而云子牟伯立葢以不宜父子俱諡康故因其名 牟伯也、父子同諡古葢有之周之初文王諡文周公亦 又公茍有令德不嫌同諡是也 |年王孫牟注衞康叔子康伯司馬貞引譙周古史考無 古

因 歸復所後者劓案凡兩讀先歸復為 正僕 熊 即僕 **終籃宜作翟楚舊有此** 也 大夫二 ·疏所據指 也所後 正應邵云太僕周穆王所置葢大御象僕之長中大夫 殺太子祿注正僕太子之近官疏太僕也周禮 、案儀 疏証以為太僕非也尚書序穆王令伯聚為 所絕句以歸 者 實眥敖注不成君無號諡者楚皆謂之敖疏 此則非太子近官與注違矣 **劓所指物之詞謂實有後者** Wilder Street Land Land 禮大射儀僕人正正者長也相太 語 即復其所也義亦得通 讀賞以誘之復 則加劓以 統師正 刑

莒郊公黎比公也正義云莒在東夷不為君諡每世皆以 皆在位多年亦猶為敖不知敖是何義案以地名冠敖者 義必居 地號公此外猶有茲丕公著邱公之等然則傳之謂訾敖 是敖即獒字省文而敖與豪同義楚蓋從其舊俗以為此 不以禮返塟示貶不與通國共之之義也詩鄭箋汾王厲 年傳云塟王子郟謂之郟敖此云塟子干子訾實訾敖並 **會豪也鄭云葵讀日豪西戎無君名强大有政者為會豪** 以地名冠敖未知其故又楚世家楚之先君有岩敖霄敖 凡失國與薨于外及塟于外皆以地緊之所以刺當時之 一也厲王流于巍巍在汾水之上故時人因以號之猶三 一于此矣又敖之爲義書族獒馬季長本獒作豪 沛

疏 共有龍子國有奧主疏與主國內之主故謂棄疾也案 杜言巡狩盟於方岳閻與彼義符同明此是周典之舊 俟 引尚書周官日六年五服一 號又臣亦稱敖並爲君長之名襄二十三年傳屈建爲莫 孫賈所云媚與即與主之謂時人以此競尙所從遠矣 敖史記韓信傳為連敖李奇日楚官名是也 制使諸侯歲聘以志業間朝以 策此誤信偽古文未悉其襲左傳也攻此傳先云明 四岳諸侯各朝於方岳大明縣陟如彼交六年 而周禮之文不載此法大行人 時朝王即此 再朝而會是也此傳之文與尚書正 朝又六年王乃時巡考制度 云 云與此傳文無由 再朝而會以 五服諸 此

**聞諸吏將爲子除館于西河注西使近河案尔疋注自東河** 十六年立于朝而配于家疏引服虔云祀其所自出之君 云平 非是 再會 爲太祖乎案異議禮戴引此郊特姓云叉匡衡說支庶不 所述葢異代典交故與周禮有殊疏牽引失擇自爲糾 家以為大祖案禮記郊特性日諸侯不敢祖天子 至西河是晉之西鄙益遠于魯言置諸荒境也故下文遂 祖諸侯而公廟之設于私家非禮也安得祀所出之 而盟以顯昭明後云自古以來未知或失也明叔 ,惺惺其遠 工諸侯不敢專<u>祖</u>于王 一古春秋左氏說天 向

慎案局公以上德封於魯得郊天兼用四代之禮樂知 為有据疏橫生武議非也 廟其立先公廟準禮公子得祖先君公孫不得祖諸侯許 **廟先君之主日都公子為大夫所食釆地亦自立所自宗** 之太常祭于大蒸司勲詔之則配廟食者皆是有功之臣 得祖天子諸侯有德祖天子者知大夫亦祖乎諸侯然 子孔之立廟于穆為子準禮公子得祖先君則服氏之說 王廟左傳朱祖帝乙鄭祖厲王猶上祖也又日凡邑有宗 孔張先祖配廟食案周禮司勲云凡有功者銘書於 屬注其祭在廟謂助君祭疏引服虔以爲其祭在 一德為諸侯者得配所自出會以周公之效立文 廟

十七年夏六月甲戌朔日有食之祝史請所用幣注禮 當用幣於社故魯之祝史依禮法請所用之幣、案所當 也 傳文前立於朝而配于家注卿得自立廟于家然則孔張 先祖配廟食正謂子孔執政故以卿得立廟而子孔自 之月日食當用幣於社故請之疏禮正陽之月日食諸侯 子孔作亂而死公孫洩因妖鬼而立不得有配食在廟 祈 食于家享疏誤會服意以為配食公廟遂規服氏之違 天災日月食大水也祈請而已不用牲也是日食之禮 **耐與所字涉似而誤莊二十五年 傳凡天災有幣無 周禮大祀掌六所以同鬼神示四日樂五日攻** 是被表置在此下後 正 陽

|十年有逢伯陵因之衆益州太守高頤碑云頤其先出自 帝顓頊之苗胄裔乎逢伯陵者殷湯受命陵有功食采齊 復請葢魯於日食之災失禮已久惟知用牲莊二 請所用幣之交若然則用幣亦因仍舊典祀史何為至此 呂氏春秋九月紀禱於桑林注桑林桑山之社又書大傳 六月辛未朔日有食之鼓用牲於社文公十五年六月辛 樂邑世為正卿氏宋建姓 亦或然 朔日有食之鼓用性於社故祝史欲復舊禮乃以上 一年朱城舊墉及桑林之門而守之注桑林城門名衆 設注皆主日食又云攻說用幣而已明此日食得有 一十五年

豹則關矣注關引弓条呂氏春秋壅塞篇引之中關而止高 二十三年尹氏立王子朝疏宣王之世有尹吉甫春秋以來 詠尹 事尹宙碑世作師尹赫赫之盛因以為氏則尹當氏於官 數有尹子見經是其食采於尹世為 周卿士也案豫州 掩餘公子燭庸帥師圖潜注二子皆王僚毋弟 案杜氏注 疏謂食采於尹疑無所據又古今人表堯師尹壽荀子湯 **禱於桑林之社則當以門近此地而取名爾** 誻 關謂關弓弦正半而止也 則尹氏所起已久非自周始有此氏 帥左注掩餘吳王壽夢子二十七年傳使公子 以僚長庶也是為壽夢子故掩餘為壽夢子 

諸樊吳王僚之伯父也僚子又名諸樊乃與伯祖同名吳 過弟何容像子乃取遏號為名恐傳寫誤耳未詳疏吳子 案吳子過號諸獎企業 過王僚是過之弟子先儒又以為 亦與王僚爲母弟若從史記及吳越春秋則僚乃夷昧子 而壽夢子旣有掩餘王僚又有掩餘為毋弟是掩餘當為 人雖是東夷理亦不應然也此久遠之書又字經篆隸或 呂氏春秋察微篇吳公子光率師與楚人戰于鷄父獲其 **丁月甲申吳太子諸樊入郥注諸樊吳王僚之太子釋交** 潘子臣小惟子陳夏齧又反伐郢作即得荆平王之 耳案吳太子諸樊入郥取楚夫人與其簽器以歸證之 人且亦名上同于父行矣從公羊宜得其實 THE STATE OF THE PARTY OF THE P

楚大敗楚師因迎故太子建母於鄭鄭君送建母珠玉簪 樊實則言吳諸樊太子入郥以與呂氏春秋及史記書 **公子不書名即光也下九年吳使光伐楚是** 珥欲以解殺建之過九年吳使光伐楚拔居巢鍾 予光者合之相符叉吳越春秋王僚傳八年僚遣公子伐 乃疑義識起然參考傳記知左氏固倒其文爲吳太子諸 以歸史記吳世家吳使公子光伐楚敗楚師迎楚故 子自杜註吳太子諸樊入郥以諸樊縣吳王僚太子後 母于居巢以歸皆實指公子光未嘗以是役為王僚 粉致疑僚子名 與伯 下子 製 業 光之 加 同 同號皆非也 事互 見為

权向日吾母多而废鮮吾懲舅氏矣注嫌母氏性不職衆韓 二十八年叔游日鄭書有之惡直醜正實蕃有徒注鄭書古 於義協 十五年為六畜五姓三儀以奉五味註六音馬牛羊鷄大 牲犧皆五味中備物所須杜解犧依禮制言之於上所釋 解 **牲毛羽完具日犧耳五牲不相為用注牛羊豕犬雞卽此 豕五牲麋鹿麛狼兎三犧祭天地宗廟三者謂之犧案畜** 五生之謂三犧即牛羊豕也葢由六音中遞為減殺數之 例於下率五味義亦不屬竊謂始養日畜將用

定四年命以伯禽杜解補正引孫寶侗云於書當有伯禽之 五年卒于房杜解補正房疑即防字案昭十三年傳楚之滅 逞亦訓為苦叉其音亦同則懲與逞通用又與承音近古 注承音懲葢楚言疏云懲創往年之遷恐其更復遷徙承 詩外傳云懲苦也方言逞曉恔苦快也廣雅逞苦快也是 逸篇也自光伯已有此解仲愚葢襲此顧氏失引 亦借用哀四年傳察昭侯將如吳諸大夫恐其又遷也承 藝文志考命以伯禽唐誥皆策命篇名然則伯禽之命書 **懲音相近葢是楚人之言聲轉而字異耳** 蔡也靈王遷許胡沈道房申于荆焉注汝南有吳房焉即 命而今逸之衆劉光伯云伯禽唐語百篇不載又王海漢 りたける というない という

八年而先皆季氏之良也爾以是繼之注欲使林楚免已於 九年鄭駟歂殺郅 難以 戻也 ·失人心揆之事機皆謂非宜疏以戮傳此反與傳背是 女令不良反以是殺我之事繼續之案疏解以殺我之 國是傅作房注作防葢一字 取殺之 為繼續其說詰絀無理又桓子急而求援反唐突援者 繼其先人之良疏言女先祖以來皆為季氏忠良之 不為作此書也 而殺葢 析 別有當死之 而用其竹 下云葉其邪可也則鄧 刑 罪腳歂不矜免之耳案呂 疏駟歂用其刑害則其 析

之于春秋左氏傳昭公二十年而子産卒太叔嗣爲或定 之治子産屈之子産執而戮之俄而誅之又荀子宥坐篇 大獄一 **予 産 誅 鄧 析 史 付 淮 南 子 詮 言 訓 鄧 析 巧 辨 而 亂 法 劉 子** 說設無窮之詞當子產執政作竹刑鄭國用之數難子產 析傳說相因為是說其見于列子力命篇鄧析操兩可力 以非為是以是為非是非無度而可與不可日變所欲勝 鄧析而戮之此所謂別有當死之罪也然子產實未誅鄧 勝所欲罪因罪鄭國大亂民口讙褲子產患之於是殺 一辭當子產之世數難子產之法記或云子產起而發 一鄧析子麥鄧析者鄭人也好刑名操兩可之說設無 衣小獄襦袴民之獻衣襦袴而學訟者不可勝數 **夏夏美国石**氏下治

晉車千 十年公會齊侯於說其實夾谷杜解補正按杜解及史記服 於河北別有中牟但不復知其處耳案史記正義蕩陰縣 鄧析死傳說或稱子產誅鄧析非也 虔注皆云在東海祝其縣今淮安府之額榆遠非也水經 叉云竹刑蕳法也久遠世無其書子産卒後二十餘年而 公八年太叔卒鄂歂嗣爲政明年乃殺鄧析 說云齊蠶公城萊萊民播流此谷邑落荒蕪故 貢所謂來夷也夾谷之會齊侯使來人以兵劫 **萊蕪縣日城在萊蕪谷當路岨絕** 八里有牟山中牟葢在其山之側此中牟即在河北 乘在中牟注今滎陽有中牟縣迴遠疑非也疏言當 雨山間道由南北

朱公子地嬖蘧富猟案下交注云與富雕也杜意當以蘧爲 **獵又一字為名矣傳必有據而杜氏以富爛二字連言或** 如重耳經亦書重之例 氏而富脈兩字或其名考傳文明言子分室以與縣也則 其夾谷即 公及齊平會於祝其實夾谷也服虔曰地二名據是則祝 隱八年正義日地有兩名新舊敗易者傳則言實以明之 王子勝遷許於析實白羽注於傳時白羽改為析水經注 東萊千里之 尼稱夷不亂華是也是則會於此地故得有來人非召之 名俱存者傅則錯經以見之昭十八年傳冬楚子使 地因改易而名其地所在從說日顧氏失引 )外也不可泥脱其之名而遠求之海上矣象 

哀二年人臣隸圉免案人臣杜無解免解云去厮役舜亥引 十一年班引信元年公賜季友汉陽之田季氏世修其德不 ·德之有疏文誤也 應失其采邑衆疏宜云季氏世卿不宜云世修其德也盡 皆專國柄而平子身逐昭公强橫不臣一至於此又何世 季孫自季友而後如行父如宿及紇及意如以逮桓子康 子皆庸瑣保位之人且政在季氏三世自文子武子平子 雖罪徒然以克敵之功僅免厮役於恩爲儉上文自上 臣注謂囚虜也與下隸圉爲一例又解云去厮役案隸圉 日厮汲水漿者日役 人臣當如禮記少儀臣則左之之何体註 艾草為防者改人臣當如禮記少儀臣則左之之 下大夫士庶人工 |商皆磨殊賞不宜於隷圉偏有所靳

放経而拜注孔子以小君禮往甲季氏不服丧故去経從注 五年二三子間於憂虞則有痰疾疏公謂羣臣云若間服 無憂歧又無疾疾亦且謀樂何憂乎無君衆間讀如開太 曲解釋文作音問厠之間葢謂||三子身為犯難則因慮 **憂處謂國無憂處事得問暇則恐有疾疾不得歡樂今旣** 此為免耳杜氏解失審也 不請於君焚丹書者有如日葢罪沒為隸以功削去其籍 而傷性也故以謀樂解之其義自明 一年季氏不統注統喪冠也案哀二年傳使太子統注始 /服儀禮士丧禮主人免於房注免今文皆作終 一年傳斐豹隷也著於丹書故宣子與豹要誓所

非也 仲子也司宠惠子之丧子游爲之麻衰牡麻絰注惠 侍樊安碑勒之碑石俾不失隧隧即墜字 適立废為之重服以踐之葢君子救時之失有如此者竊 也子姓鉏商名案鈕亦姓宣二年傳有鉏魔則鉏為氏商 四年叔孫氏之車子鉏商獲麟疏引服虔云車車士微者 以放経而拜亦用此意以談季氏如杜氏所云從主節制 制也案禮記公儀仲子之喪檀弓免焉注故為非禮以非 二年越子伐吳為||隧註隧道也 & 隧古除字隸釋中常 制疏季环既不服丧孔子不得服甲服故去經從主 耳史記索隱案春秋傳及家語並云車子鉏商而

家備盡往注甲兵之備案此魋家衆也宣十二年傳楚熊頁 子我盟諸陳於陳宗疏陳宗陳氏宗主謂陳成子也盡集陳 請伐齊晉侯弗許請以其私屬注私屬家衆也襄四年傳 先君以徵其言此亦然也服虔云陳宗先祖鬼神也與前 陳宗謂陳之先人此稱有如陳宗猶定六年孟懿子謂范 羿猶不 俊將歸自田家衆殺而亨之皆可舉證注謂甲. 言陳宗自違宜從後說為據 獻 氏宗族就成子家盟也案下文所不殺子者有如陳宗疏 氏以子為姓疑非也 子曰所不以陽虎為中軍司馬者有如先君彼注云稱 囚 知瑩知莊子以其族反之注族家兵十七年卻子至 這座最后在低下卷 ŧ

Date of Chicago

備是曲說也

五年召獲駕乘車行爵食炙疏邱明為傳雖詳於當時 大煩碎計樂寧飲酒無可記錄又此句顛倒辭義不允 而

倒此

一句則上下各自相連當是後來誤耳案駕聚車

反疑為誤非也 **既言不欲戰則行爵食炙正著其遷延耳文自相屬疏** 

十六年嗚呼哀哉尼父鄭康成禮記注尼父因其字以爲 얇 叔諡議宋有正考父督有尼父配諡之稱也隸 有明文思謂漢儒之論仲尼以字為諡者蔡中 孔氏疏駁之云 云惠定宇按字見穀梁非康成應說左 ·即集朱

追惟在昔游夏之徒作諡宣尼更可舉證

疏鄭元錯讀左傳云以字為諡遂復妄為此解衆陸氏案鄭 與杜違非也 依此交晉世家是為哀公疏又依此交疏以艱注而所引 **康成所見本與今傳寫氏誤作諡者異又以字爲諡漢儒** 康成駁許权重五經異議引此傳文云諸侯以字爲氏是 四年案趙世家知伯乃立昭公會孫驕是為懿公杜葢 ·七年注史記晉懿公之四年魯倬公之十四年疏哀公 **承有是解** 而康成因之非讀誤也 / 基础党 建左 八下卷 H

受業魯山太			